

P.M TUUM ZĪIGĒ

BURKĪNA FASO
Laogengo-Taoor kēnde-Sid buudo

GOOFNEER NO-RĒESA

MINISR-RĀMBĀ TIGSG
KOESE

(PP-G/TRANS N°029-2024)

A Rīmtallba Zā Emanwell WEDRAOOGO

Waogdgo,yvumnd 2024 bōn-buvung rasem a 4

Minisr-dāmbā maana b wakat fāa tigsgā Waogdg
yuumd 2024, sa-sik kiuug rasem 21, arb daare,
yibeoog wakat a 9 n tall n tãag wĩntoog wakat 12
sēn loog mn 56,

Sōnegselāns Kapitend Ibrahim TARWOORE sēn ya tēngā taor soab n le ya
Minisr-dāmbā tigsg taor soab n lvi tuumdā taoore.

B zĩndame n bal n wegs daarã koe-zutu,
n kelg koes b sēn wa n taas-ba,
n lvius neb tuum taoore,
la b kō sor ti b sigl tuum tēn-taase.

I. KOE-ZUT WEGSGO, LA NOY RIGSGO

I.1. PERMIYE MINISRĀ TUUM ZĪIGĒ

Minisr-dāmbā suglg n gesa sēn yul toasg sebr sēn kēed **no-rik-saagds a yiib (2)** gānegre, pipi soabā gomda b sēn tōe n deeg minisr-dāmb zīgē n tume, ti sã n mikame ti b ka pē yambē bī b ka tara vuvgo, t'a yiib soabā me wilgd sēn ledgd to-to Goofneerā la Minisr-rāmb tigsg Sekretēer zenerall zīgē n tume, ti sã n mikame t'a ka pē yambē bī a ka tara vuvgo.

Sēn yul toasg seb-kāngā Minisr-dāmbā sēn suglg n gesã, yu no-rikg limor 2022-1061/PRES-TRANS/PM sēn dīk yuvm̄d 2022, yuvm-vēkr kiuugu, rasem a 9 daare, sēn kēed ministr-rāmb tūmē ledgr wēngē, la no-rikg limor 2022-1063/PRES-TRANS/PM sēn dīk yuvm̄d 2022, yuvm-vēkr kiuugu, rasem a 9 daare, sēn kēed Goofneerā la Minisr-rāmb tigsg Sekretēer zenerall tūmē ledgr wēngē lebg-n-gesga.

B sēn lebg n ges no-bāmbā wã na yī sabab ti b tōog n vēneg n wilg minisr-rāmba, Goofneer la Minisr-rāmb tigsg Sekretēer zenerall tūmē ledg n tum ti sã n mik ti b ka be yambē.

No-kāensã b sēn gānegã na n sōngame ti b kell n kēng ne goofneer tūm taoore, ti ned ning sēn tog pids tūm̄dã sã n wa ka be yir bī weer n paog-a.

I.2. LAOG KĒGSGO, NE A TALL-N-TUM LA YIDGR SOAY BAOOB MINISTĒER ZĪIGĒ

Minisr-dāmbā gānega sēn **yul toasg sebr** sēn kēed ne Leta wã yuvm̄d 2024 moende wēngē, sigr kiuugã rasem 30 daare.

Sigr kiuugã rasem 30 daare, ti yuvm̄dã moend ligd sēn tōog n kē yikda **seefa ligd milyaar 1 398,64** ti ligd sēn yiis sōor **yikd milyaar 1 731,00**, ti b sēn dag n yaool n mag ligd-kēeds tog n yīē-la **milyaar 3 144,12** ti ligd-yits yaē **milyaar 3 694,59**.

D sã n na n mag tuumã sën yi koabg zug fãa 2023 yuumdã sasa-kãngã ti ligd sën kē yaa **44,48%**, ti sën yi ya **46,85%** ti b sën saagd ligd-kēeds ya **51,26%** ti ligd-yits ya **57,05%**.

D sã n na ges sën kēed ligd roogã zãab zīgē, d neeme ti ligd sën kē yuumd 2024, sigr kiuugã sasa fãa yikda **seefa wã ligd milyaar 1 831,58**, ti riē, 2023 yuumdã sigr kiuugã rasem 30 sasa, ti ligd sën da zoe n kē yikd **seefa ligd milyaar 1 856,61**. Rënd kongr sën be be taa seefa wã ligd milyaar 25,03. Ti paogrã geelg koabg zug zem 1,35%.

Minisr-rãmb sën ges yuumdã moend neng sën be zīg ning sa wã, b kōo sagls ti b kēng ne tuumã taoore, n mao ti ligdã kōom pãng paas n yug pīnda, la b yiisdē ligdã bal goofneer tuum nins sën ya-b pakr n yud yīnga.

Minisr-rãmbã sakame ti b tall sën yul toagsg seb-kãngã n taas depite-rãmbã nengē ti b sulg n gese.

I.3. LOZIND-DĀMBA, LEEBGO, NUG TUUM MINISTĒER ZĪGĒ

Minisr-rãmbã gãnega no-rukɔ sën kēed teed sën n yit tēn-zēms n kēed Burkīna Faso, ti tōnd tēngã pugē b yaool maand-ba. No-kãng na n kitame ti b pu te-kãens ligd-rãmbē n dogl yaood ti boond ti kaotdãlevma.

Woto fãa yaa sën na n sōng la kogl d tēngã luzind-dãmb tuuma, yuumd 2018 goofneerã da rika noor woto buud n sōng ti ka-ritma, sūkrã, wiidã pine-rãmb la bu-zoma paam daag n ka le nard ye.

Rënd yuumd 2018 nao-kēndr tū-n-maaneg yi sabab ti seyend sosiko tuum-noor koosa a sūkr zāng kepi, yuum 2018 ne 2023 suka, ti seyend sitektuum-noor me paam ligd sën yikd seefa wã ligd milyaar a yopoe (7) yuum 2019 ne 2023 suka, ti sap olimpik pãng tol n paas a koosmē, ti lozind-bãoones a taab me tū be ti b yell manege.

Na-kĕn-kāngā luglg yvum a nu (05) poore, koosmā tvum woma biis sōama sĕn sid noogd sūur hal wvsgo, ti b pĕgda. Rĕnd yaa tlae la segdame ti b yalg na-kĕn-kānga, teed nins fāa b sĕn maand-b tōnd tĕngā ka zugu. Sĕn paasde, b na n kitame ti te-kāensā, makr wa kaamā, sikrā, safāndā la būmb a taab sĕn wĕnd rĕ, kĕesg Burkīna Faso, tall na-tūudr toor zalle. Boto b tōogd n kogla d lozind-rāmbā tvuma. Yāmb sĕn ka ne, d tĕngā sĕn be na-kĕndr ning zug rŭnd-rŭndā wā, ya b kō tōnd tvumā piuugu.

No-rikdgā tvlsem sĕn tog yu:

- n kit ti tĕngā raad sōama-sōama;
- n kit ti Burkīna Faso, tolg teeg tĕn-tāasā ya n kolg weoogo;
- n kit leebgā sĕn be poorĕ lebg n yu taoore.

No-kāngā rikrā na yu sabab ti b kō tōnd tĕngā teed koosem pānga.

I.4. ME-BĒD TVUM MINISTĒER ZĪIGĒ

Minisr-rāmbā tigsg gānega sĕn **yl toagsg sebr** sĕn kĕed teed raab wĕengĕ sor kŭun kosgo. Te-kāens ya wa soay tugb masīn-dāmba. La yaa tvum sags a naas(4) raaga. Yel-kāng pidsgā raab yaa sĕn kĕed saagr tvum-gānegds sĕn ya toor zall wĕengĕ.

Minisr-rāmbā kōo tvum-noor sĕn boond ti **WĒND NA SŌNGDO ĒDISTRI** tvuma. A b sĕn welg-b to-to:

- **pipi saka:** Soay tvum teed baobo, Me-bedā minstĕer yīnga. Teedā raag lidg yikda **seefa wā milyaar piig la a yopoe la milyō kobs-yoob la pis-yopoe la a naase la tus-pis-nii la a nii la kobessi la pis-naase (17 674 088 240) ;**

- **sak a 2 soaba:** Soay tuum teed baoobo, Me-bedã ministeer yĩnga. Teedã raag lidg yikda seefa wã milyaar piig la a tã la milyõ koabg la pis-yoob la a wε la tus-koabg la pis-yoob la a nii (13 169 168 000).

Yaa tuum-noy sēn get soay ligd-tigsdim sēn ya toor zall n yiis ligdã tı b na n maan tuumã. Yaa kiis a yoob (06) pɔg la tuum sak fãa tog n tume, n sa.

II. KOE-ZĚKDSE

II.1. Minisir ning sên ya na-zakê minisri, n le ya minisir ning sên get kibay kûuni, rog-n-mik koglg, te-naaneg la tên-kaagr yellã, zêka koεεg n wilg Burkîna Faso ne ãndûni sul-kaseng sên get wubri, baoosg la rog-n-mik koglg yelle, ti boond ti Ineesko (UNESCO), b no-sur sên boond ti kõvãsõ 2005 luglgã tvm sên ya to-to. Yaa tvmã sên yil sasa-sasa wilgr sebr a naas soab la woto, la yaa yvm a naas pug vulgr la b taasd sên yil toagsg sebrã minisir-rãmbã.

No-si-kãngã yaa bûmb sên wilgd ti tẽmsã so b mens zãng fasu duroa-rãmb wεengẽ, b tar sor n tõe n ges b politik la rog-n-mik na-kên yelle, n sigl-ba, wa sên togl b raabo, ti modgr la bugsg ka beẽ ye. Sor bee ne tẽng fãa t'a koglg a burkîndã wa sên segd ne-a.

Yvm a naas pugẽ vugr sên yil toagsg sebr-kãngã goma na-kên-sõamã, b sên tũ n tum yvm a naas sên nan loogã pug yell n yuda. D sã n na sõdge, yaa wa rog-n-mik koglg la zã-sõng pãng paasg yelle. Sên paasd beenẽ me, yaa neb nins sên tvm-d-b rog-n-mik la kudemdã tvmã yidgr paasgo. Zems-n-taar ti welgr kaẽ yel me sid goma be.

Burkîna Faso sasa sên yil toagsg sebr yvm a naas vugra, ti yaa a naoor soaba, la woto wã yaa bûmb sên tall n tãag yvm 2021-2024 .

II.2. Minisir sên sõngd Minisir sên get burkîna ne tên-taas zoodo, zems-n-taar na zînd tẽmsã ne taab suka, la burkînabe-rãmb sên be tên-zẽms yelle, ledga minisrã sên ka be yir zîigẽ n duk koes **a yiib (2)**, minisir-rãmbã taoore.

Pipi koεεgã yaa sên keed tên-tõrã sug-këesg tigsg naoor a 7 soab silgu. Tisgã na n zînda Bãfoora, reezõ de Kaskaad soolma, yvmd 2024 pugzî-likr kiuug rasem14 n tãag a 18 daare.

Tẽngã nin-buiid zems-n-taar tigsg a 7 soab-kãngã gom-yẽgrã b sên yals t'a ya « **Afrik tẽms zems-n-taar la b lagem-n-taar taoor kënd baobo**», tulsem yaa

sɛn na mao ti zems-n-taarã pãng ket n paas dabda, sɛn tũud ne nin-buiid sul nins sɛn vi Burkĩna Faso sɛn gãd taab n maand bũmb wvsg sababo.

Tɛngã nin-buiid zems-n-taar tigsg raab kɛer yaa wa sɛn pvgdã :

- n sagl nin-buiid sul sɛn vi-b Burkĩna Faso wã ti b rik bãan gãag la zems taab n vumɔ yam ;
- n mao ti nin-buiidã gãd tɛngã Taoor Soab taogsgo, ne Afrik zĩ-koɛɛgɛ (sayell) tems a tã wã sɛn lagem taab bũmb wvsg zug» ti boond ti Ayeyesã (AYEYES) sɛn gãneg nao-kɛn ninsã;
- n kɔ sɛn be-b tvvmdã pvã, sagls laloa paal ning b sɛn gãneg sɛn kɛed ne sãmbã kɔom, rasem sɔor b sɛn na n maane, b tilgri, b yub Burkĩna Faso tɛngɛ wã sɛn segd n yi to-to zugu.

Mali ne Nizeer minisr nins sɛn get-b tɛn-taas zoodo, zems-n-taar na zĩnd tɛmsã ne taab svk yellã na n zĩnda tigsgɛ wã.

Koɛɛg a yiib soabã, yaa Burkĩna Faso sɛn tum neb ti b ti naag zems-n-taar na zĩnd Sin ne Afrik svkã sɛk-kaseng a 9 soab b sɛn boond ti Fokakã (FOKAK), b sɛn sigl ti na n yi yvumɔ 2024, bɔn-bwvng kiuug rasem a 2 n tãag a rasem a 6 raar Pekɛ sɛn ya Sin na-tɛngã pvã.

Sɛk-kãngã sɛn tigs Afrik ne Sin tɛmsã taoor-rãmbã, yaa sɛn na n zĩnig yɛsgo, n tɔog n bao soay la rabay, sɛn na yulɛ n bus b laogã, tɛmsã kiblgɔ, la rogem-n-mikã wɛengɛ zems-n-taare.

Sɛkã loogr poore, Burkĩnabɛ-rãmb nins b sɛn da tum rɛnda yĩngã le tallã tigsg ne tvvmdã maaneg wɛengɛ ligd kɛesdbã, sɛn na yulɛ bao Sinoa-rãmb sɛn be tvvum bɛd wvsg pvã, ti b kɛes ligd-rãmb sɛn na maan tvvum turs Burkĩna Faso, tvvmdã wees toay-toay pvã.

Sin ne Afrik zems-n-taar baoob sekã, yaa yuum a 3 tãab tãab fãa la b sigind-a, Sin ne Afrik tẽms sãn tar tøk-n-taar ne Pekẽ tẽn-belengã tuum weengẽ.

II.3. Laafi baoobo, la yolgemd gesg yell Minisrã zẽka **koes a yiibu (2)** ministr-rambã tigsge.

Pipi koeggã yaa sãn kẽed ne weogã bãag sãn yõgd nebã wakat wakat ti b boond ti Sepeyes+(SEPEYES+) gidgr ne tut b sãn beoond n kõt nebã vuk a yiib soabã b sãn boond ti PE1 wã (P1) b sãn maan Burkĩna Faso yuumd 2024 pugẽ, tuumd biis wilgri.

Weogã bãag gid-kãngã tut kũun vuk a yiib soabã (P1) yu yuumd 2024, sẽoog kiuug rasem 26 n tãag a rasem 29 daare, la yu tẽn-tõrã logto-yiy 70 pugã. A yu sabab ti b paam nafa nins sãn pugdã :

- b sãn da magd b na n paamame ti zems **kamb 4 519 000** sãn tar kiis a 3 n ti tãag kiis 59 wã, b wa n mikame ti b ti b sãn paama sõor taa **kamb 4 594 765** vuk-kãng pugã, rat n wilg ti b tuumdã yika101,68% ;
- **kamb 50 918** sãn bẽed rulg-yookã bãag keglem sãn zems la b vaees n yã, ti bãmb sukã, kamb **12 727** n yaa bãad paala, la kãmb **19 034** n bẽed rulg-yookã bãag sãn yaa wẽngã, ti b sukã, bãmb **4 464** n yaa bãad paala ;
- **kamb 12 629** b sãn da yãk n maan weogã bãag bogbo, la b ka le yãnd n tãag wao-kãngã, la bãmb 4 810 la lebg paam n yã, ra n yeel ti 48,26% ;
- **zags 1 016 023** la b ti gese, ti bãmb sukã , zags **700 093** pus la yã rũms tugdo (rũms sãn vi zĩisi, la bãmb **511 238** la b mens-yã, ra n yeel ti 73,02%.

D sã n gese, weogã bãag sãn yõgd nebã wakat wakatã gidgr ne tutã kũunã, piwgr a yiib soab-kãngã (P1) tuum baasa sõama.

Koegg a yiib soabã, yaa bã-piumã tibs yãgdem zĩis b sãn boond ti Korisã (KORUS) b sãn da pagsã, pagbo, bi wã bã-piuugdum sãn pid logto-yayã sãn

boog Burkina Faso wã yĩnga, la ne tuumã sɛn da kɛed rɛ wɛengɛ wã me sɛn boogã.

Yuumd 2023, yuum-sar kiuug n tall n tãag yuumd 2024 puga, bi wã bãag talla pãng Burkina Faso. Yuumd 2023 bã-piuugdmã semen 46 soabã n ti tãag yuumd 2024 semen a 5 soabã rɛndã, yaa bãad-rãmb1 335 la b vaees n yã tɛn-tõrã puga, la neb a 4 n maan kaalem.

Yuumd 2024 bã-piuugdmã pipi semen-rãmb a 5 wã pugɛ, neb 272 zum b sɛn yãk n kɛng Burkina bi wã bãag vaees n bao ro-kasengã b sɛn boond ti Laboratoaar nasonal de raferãas de la ruzoaolã Elener-erã (LNR-R) n na n gɛes bi wã bãag biisã, b mikame ti neb 215 n tar bãagã, ti nin-yeng tar rubéolã bãaga. Yel-kãensã kitame ti lebg n pak Korisã, sɛn na yulɛ n paam zab ne bi wã bãag piuug-kãngã.

Bãagã sid piuuga hal wusg semen 11 wã pugɛ, (yuumd 2024, tɔvg kiuug rasem 11 n tãag a rasem 17 raarã) sɛn ti yuda, logto-yiy a 9 puga. B maana bog-n-beoolg yuumd 2024, wao-fugd kiuug rasem 26 n ti tãag tɔvg kiuug raesm a 3 raar logto-yiy-kãens a 9 wã puga, la yu kamb sɛn zems kiis a 9 n tall n tãag kiis 59, bãmb 831 370 la b bog yã, rat n wilg ti b sɛn tɔog n bogã zãng yika124,9%.

La bãad-rãmbã ne sɛn ki-bã sɔor tara boogr n dabda. Sid me, gũus-n-gɛsga sorwus-rãmb yãa semend 20 wã pugɛ (yuumd 2024, tɔvl-nif kiuug rasem 13 n ti tãag a rasem 19 raare) bãad-rãmb 191 tɛn-tõrã puga, la ned ba a ye ka maan kaalem ye, bũmb sɛn wilgd ti bãagã piuugr kolga weoog logto-yiy nins bãad-rãmb sɛn da waoog n yudã.

B sɛn yã ti bi wã bãag pãng booga hal wusg guus-n-gɛsga poorã, Korisã paga a kulense.

II.4. Karen-bi-bãoonego, buud goam zãmsg la a piuug kũun minisrã zêka koεεg minisr-rãmbã tigsgẽ n wilg b sãn dat n piuug faso dãn fani wã fuug (FDF) yelgr Burkĩna Faso gofneer la tumd-n-mengẽ karẽn-bi-bãoonesã lekoll-rãmbẽ .

Faso dãn fani wã fut yelgr mak-n-gεsg karen-bi-bãoones la kolεes kaoreng rotẽ wã yuumd 2023 n tãag 2024 galẽ tẽms komind-rãmb a taabã puga (Waogdgo, Bobo-Diulaso ne Kudgu) ne tẽn-kureng komind a ye pvg (Sabou) poore, b yãame ti yaa sõama ti b piuug faso dãn fani wã fuug yelgr Burkĩna Faso gofneer la tumd-n-mengẽ lekoll-rãmbẽ wã.

karen-biisã na n yelga Fu-kãngã tẽne ne lamus fãa, la ka na yi bũmb sãn ya tilae ye. Wubrã wεengẽ tumtumdb ne kambã roagdb tõe n zema ne fu-wogdbã ti b yãk futã kōbg ne b yalẽ (modell) lekoll fãa bi lekoll-rãmbã fãa sãn sug taab noor n yãke, sãn tũ ne b sãn be wεeng bi sull yeng ning puga.

II.5. Minisr ning sãn get-a karen-bi-bed kaorengo, baoosgo, la bãng-paal baoob yellã zêka koεεg minisr-rambã tigsgẽ, sãn kēed ne tum maaneg bãng-minim lekoll-kaseng b sãn boond ti Lekoll politeknik Epewo wã (EPO) sãn na n yiis a pipi mit-kãas b sãn yalsg ti na yi yuumd 2024, bõn-buvng kiuug rasem 27 raar Waogdgo.

Tigrã, b na n ning-a la Sõ Egselãns kapitend Ibrahim TARWOORE sãn ya Burkĩna Faso perzidã n le ya Leta wã taor soab zug maasme, la a gom-yẽgrã yaa « *Mit-kãag tumd la a zīg Burkĩna Faso laogã baoob na kēng taor wεengẽ* ».

Epewo wã pipi mit-kã-kãensã yaa bãmb 31, t'a 9 get lozĩnd-rãmbã tumã, a 8 get futã wogb tum yelle, t'a 8 yes get tum te-paalã tall n tum ne yelle, t'a 6 get kibayã baoob la b kũun yelle .

Tig-kãngã pvgẽ, b na kōo nin-bed ne ãnterpiriiz nins sãn tumd-b ne Epewo wã yel-sõm-minim kaset sēba, bãngr kaset sēba, la b sel tuse.

B lugla Epewo wã yvumnd 2017 wã pvge, t'a tulsem-rãmb k̄er yaa s̄en na n k̄o mit-k̄aas nins s̄en get-b t̄umã maanego, b tilgr yam baoobo, dokteer-rãmb bãngre, la b s̄ong ne baoosmã t̄um maaneg la b piuugri.

III. NEB TUUM TAOOR LUUSGO

III.1. NED FĀA B SĒN LUIIS TUUMD TAOORE, NE A TUNTUMDRE

A. NA-ZAKĒ SĒN YA PERZIDĀAS DI FASO

- A Mise Umaru **MOGMENGA**, matrikill **23 19 473 N**, sĕn ya sagend n be kibay kĭsg tĕm pugĕ, a baoosg la a bĕng-minim tĕm weengĕ paama naam, n lebg sull ning sĕn get-a kibay kĭsg tĕm yelle, Seyese (CSC) sĕn be na-zakĕ wĕ tĕm taor soaba.

B. MINISTĒER NING SĒN GET-A YŌ-KOGLO, LA ĀNSIYĒ KŌMBATĀ-RĀMBĀ YELLE

- A Mise Handiyegu Sarl **NATAMA**, sĕn ya soda-naab reega tŏogo, n lebg Waogdg zĕmsg zĭig ning sĕn get-a tĕmĕ yŏgneg nao-kĕn la a tŏod tĕm taor soaba, Islo (ISLO).

C. MINISTĒER NING SĒN GET-A LAOG KĒGSG NE A TALL-N-TUM YELLĀ ZĪGĒ

- A Mise Frĕnk Didiye **ZŪNGRAANA**, Matrikill **96 906 C**, sĕn ya tĕm-kibind n be laog kĕgsg ne a tall-n-tum zĭigĕ paama naam, n na n lebg ĕspekteer n zĭnd yĕumdĕ moend gĕnegr tĕm pugĕ, a bĕng-minim tĕm weengĕ ;
- A Mise Zĕ **SAWADOGO**, matrikill **96 916 N**, sĕn ya tĕm-kibind n be laog kĕgsg ne a tall-n-tum zĭigĕ paama naam, n lebg ĕspekteer n zĭnd yĕumdĕ moend gĕnegr tĕm pugĕ, a bĕng-minim tĕm weengĕ ;
- A Mise Siaka **PARE**, matrikill **111 144 R**, sĕn ya tĕm-kibind n be laog kĕgsg ne a tall-n-tum zĭigĕ paama naam, n lebg ĕspekteer n zĭnd yĕumdĕ moend gĕnegr tĕm pugĕ, a bĕng-minim tĕm weengĕ ;
- A Mise Tubu **RIPAAMA**, matrikill **37 37 038 L**, sĕn ya bĕng-mit nin-buiid fugr tĕm pugĕ paama naam, n lebg tĕm-noor ning sĕn get-a nin-buiidĕ fugr yelle, Iyeneesde (INSD) tĕm taor soaba ;
- A Mise Mohamadi **SAWADOGO**, matrikill **212 361 L**, sĕn ya sagend n be laog kĕgsg la yidgr tĕm pugĕ paama naam, n lebg tĕm-noor ning sĕn

get-a tēn-tōrā yō-koglg rabay baoob yell ti b boond koεεg-koεεg ti Seyenesã (CNES) tuum taoor soaba ;

- A Mise Mahamudu **DIYARA, matrikill 59 879 Y**, sēn ya tuum-kibind n be laog kēgsg ne a tall-n-tum zīgē paama naam, n lebg tuum-noor sēn get koob la gvulg tuum yidgr yell b sēn boond ti Pimsar (PIMSAR) kamaana, sooza, noos la zīm tuumã pug-n-gesg soaba ;
- A Mise Mahamadi **WEDRAOOGO, matrikill 212 601 X**, sēn ya sagend n be laog kēgsg tuum pugē paama naam, n lebg tuum-noor sēn get ka-kood-bãoones tuum-gānegdi pān-paasg yell ti b boond koεεg ti Residepe (RESI-2P) tuum pug-n-gesg soaba.

D. MINISTĒER NING SĒN GET-A YŌ-KOGLG YELLE

- A Mise Tuwandaba Marsell **KULIBALI** sēn ya soda-naab reega tōog n paase, n na n lebg minteerã bāng-minim tuum pugē sagenda ;
- A Mise Tiyeeri Dofizuhō **TUUNA, matrikill 57 710 C**, sēn ya ēspekteer zenerall de polus paama naam n lebg ministeerã bāng-minim tuum pugē sagenda ;
- A Madaam Maari Deniiz **SEBGO, matrikill 57 727 X**, sēn ya ēspekteer zenerall de polus paama naam, n lebg ministeerã bāng-minim tuum pugē sagenda ;
- **BENO** buud paga, a Naana Fatumata **YATASAY, matrikill 88 836 K**, sēn ya kadems tuum-kibind paama naam, n lebg ministeerã bāng-minim tuum pugē sagenda.

E. MINISTĒER NING SĒN GET-A KIBAY KŪUN TUUM-TE-PAAL TUUM-NOYÃ PUSĒ LUGLG LA B PIUUGR YELLE

- A Mise Musa **ZOROME, matrikill 245 327 H**, G sēn ya logd zāad paama naam, n lebg tuum-noor ning sēn get-a kibay tigsg la b zāab kolg tuum-noor sēn boond koεεg-koεεg ti Ayensi (ANSSI) laog kēgsg kiblg tuum taoor soaba.

F. MINISTĒER NING SĒN GET-A LOZIND-DĀMBA, LEEBGO, NUG TUUMA YELLE

- A Madaam Salimata **WEDRAOOGO, matrikill 343 494 U**, sēn ya sagend n be laog kēgsg tuum pūgē paama naam, n lebg tuum-noor ning sēn get-a zems-n-taare, kibay kūuni, sēb tigsgu, a tuum-no-sak sēn baood gees-taab la teed yākr tuum manegr sēn boond ti Seyenses (CNCC) tuum taoor soaba ;
- A Mise Mohameed **YILBUUDO, matrikill 343 575 P**, sēn ya laog kēgsg tuum sagend paama naam, n lebg tēn-tōrā tuum-noor sēn get gees-taab la teed yākr yelle, Sekretariya permana de la komisēo naseonall de la kōnkirāns e de la kōnsomaseō, a tuumā kiblgū, la a laog zāab tuum-no-sak taoor soaba ;
- A Madaam Rihanata **WEDRAOOGO, matrikill 238 589 N**, sēn ya laog kēgsg tuum sagend paama naam, n lebg lamdā tuum-noore, Espe-Ēfseyell (SP-FCL) tuum-no-sak ning sēn get-a gēel buud toay-toaya, yidgr tuum-saagdī la a tuum-gānegdī pūg-n-gesg soaba.

G. MINISTĒER NING SĒN GET-A KAREN-BI-BĒD KAORENGO, NUS-TUUMA, LA TUUM-MINIM ZĀMSG YELLE

- A Mise Hipolit Lugne **BASOLE, matrikill 220 565 M**, sēn ya kadems tuum-kibind paama naam, n na n lebg minisrā tuum zīgē taoor soaba ;
- A Mise Hāari Prospēer **PAARE, matrikill 35 176 A**, sēn ya ēspekteer n be liise la kolēes kaoreng tuum pūg paama naam, n lebg ministēerā tuum yōgneg taoor soaba ;
- A Mise Frānsoa **KŌMPAOORE, matrikill 31 336 D**, sēn ya ēspekteer n be liise la kolēes kaoreng tuum pūg paama naam, n lebg ministēerā sagenda, a bāng-minim tuum wēengē ;

- A Mise Bartelemi **BADIYELL**, matrikill **246 742 U**, sēn ya tʉm luglu, la nus-tʉm zamsg sagend paama naam, n lebg ministeerā sagenda, a bāng-minim tʉm wēngē ;
- A Mise Waoogabāmba Patriis **ZŪNDI**, matrikill **130 467 K**, sēn ya bu-kaooda, mazırsra paama naam, n lebg ministeerā sagenda, a bāng-minim tʉm wēngē ;
- A Madaam Ānzell **WIYA**, matrikill **58 323 E**, sēn ya ēspekteer n be liise la kolees kaoreng tʉm pʉg paama naam, n lebg ministeerā sagenda, a bāng-minim tʉm wēngē ;
- A Mise Evariis Maari Wēnd-Yam **GIBRE**, matrikill **36 120 J**, sēn ya ēspekteer-kāseng n be liise la kolees kaoreng tʉm pʉg paama naam, n lebg ministeerā tʉntʉmd yel-geta ;
- A Mise Wēndwaooga Oliviye **BAGRE**, matrikill **247 668 P**, sēn ya karen-bi-bāoones la a bed tʉm kiblg sagend paama naam, n lebg ministeerā tʉntʉmd yel-geta ;
- **WEDRAOOG** Buud paga, a Naoomi **BIKABA**, matrikill **74 413 K**, sēn ya kadems tʉm-kibind paama naam, n lebg ministeerā tʉntʉmd yel-geta ;
- **ALIRA** buud paga, a Noomwēnde Veronik **WANGRAWA**, matrikill **225 071 U**, sēn ya tʉm-kibind n be laog kēgsg ne a tall-n-tʉm zīgē paama naam, n lebg vaees-kāag la geel buud toay-toay tʉm taoor soaba ;
- A Mise Amadu Tidiyani **YINYIN**, matrikill **112 498 B**, sēn ya leta ligd roog ēspekteer paama naam n lebg ligd zāab tʉm taoor soaba ;
- A Mise Bureema **SAWADOGO**, matrikill **245 866 X**, sēn ya komiseer prēsipall de polus paama naam, n lebg leta raas mooneg tʉm taoor soaba ;
- **SAKIRA** buud pag a Maryam **KARANTAWO**, matrikill **207 907 E**, sēn ya tʉntʉmdb zāab la kadems tʉm kiblg sagend paama naam, n lebg tʉntʉmdbā zāab tʉm taoor soaba.

III.2. KŌNSEY DADMINISTRASŌ TUUM ZĪSĒ TAOOR REEGRE

Ministr-dāmbā sēn zīndā, b yāka neb b tigsgā pvgē, n lvus-b Kŏnsey dadministrasŏ wā tvum puga :

- Tēn-zems karen-bēd zāmsg zīg sēn boond koεeg-koεeg ti Ineyi (INHEI), ministēer ning sēn get-a zamaan-zēmse, zems-n-taar na zīnd tēmsā ne taab pvgē ti b boond ti koperasēo rezeonall la burkīna tēng koamb sēn vī tēn-loor tvum yīnga ;
- Iniversite Zozef KIZĒERBO, karen-bi-bēd kaorengon, tēn-baoosg la bāng-paal baoob ministēer tvum yīnga ;
- Yīn-wisgr la yō-noogr yidgr tvum ligd koglg b sēn boond ti Ēfenpeyesell (FNPSL), ko-m-meng rāmb lagem-n-taar sull sēn boond ti Zeyipe-Peyenvebe (GIP-PNVB) ne Burkīna Suudu Bawde (BSB), ministēer ning sēn get-a yīn-wisgre, kom-bub koglgo, la tvum luglg yell tvum yīnga.

A. MINISTĚER NING SĚN GET-A ZAMAAN-ZĚMSE, ZEMS-N-TAAR NA ZĪND TĚMSĀ NE TAAB PUGĚ TI B BOOND TI KOPERASĚO REZEONALL LA BURKĪNA TĚNG KOAMB SĚN VI TĚN-LOOR YELLĀ ZĪIGĚ

Ministr-dāmbā gānega **noore**, n yāk neb nins yvy sĕn pvgdā n kō-b tōogo, ti na n lebg tuum-kibindb n zĭnd tĕn-zems karen-bed zāmsg zĭig sĕn boond koεεg-koεεg ti Ineyi (INHEI) , ti b na n duk yvum a tāab (3) tek ti yi b pipi tuum yvum wakat sĕn yalse.

KADEMS TUUM-KIBINDB SĚN TUMD LETA YUUR YĪNGA

Ministĕer ning sĕn get-a laog kĕgsg ne a tall-n-tume :

- A Mise Windbenedo Zā Maari **KEBRE**, matrikill **104 259 A**, sĕn ya tuum-kibind n be laog kĕgsg ne a tall-n-tum zĭigĕ.

Ministĕer ning sĕn get-a zamaan-zĕmse, zems-n-taar na zĭnd tĕmsĀ ne taab pugĕ ti b boond ti koperasĕo rezeonall la burkĭna tĕng koamb sĕn vi tĕn-loor yellā zĭigĕ :

- A Mise Zon Frānklĕ Ismayell **SORGO**, matrikill **226 284 T**, sĕn ya sagend n be tvntvmbd zāab tuum pugĕ, t'a na n deeg a Mise Mustafa Fafing Nikola **DIYABATE** zĭiga.

TUUM-KIBIND SĚN TUMD TĚN-ZEMS KAREN-BĚD ZĀMSG ZĪIG SĚN BOOND KOĚĚG-KOĚĚG TI INEYI (INHEI) TUUM-ZĀMSDB YUUR YĪNGA

- A Mise Timote **HARO**, matrikill **105 310 R**, t'a na n duk b sĕn yāk-a t'a yaa karen-biisā taoor wakat n tume.

**B. MINISTÆER NING SËN GET-A KAREN-BI-BËD KAORENGO,
TËN-BAOOSGO, LA BÃNG-PAAL BAOOG YELLÃ ZÏIGË**

Minisr-dãmbã sën zïndã b gãnega **noore**, n yãk neb nins yuy sën pvgdã n kô-b tōogo, ti na n lebg tuum-kibindb n zïnd Iniveersite KI-ZËERBO kōnsey dadminisrasō wã tuum pvgē, la b na n dika yuum a tãabo (3) ti yı b pipi tuum yuumde.

TUUM-KIBIND SËN TUMD LETA YUUR YÏNGA

Ministæer ning sën get-a fōngsō-pibliki, tontumba, la tēn-tōrã nin-buiid vum-n-taar koglg yell zïigē :

- A Madaam Olga **WEDRAOOGO, matrikill 77 992 P**, sën ya bu-kaood, t'a na n deeg a Mise Hamiidou WEDRAOOG zïiga.

TUUM-KIBIND SËN TUMD LIGD ROT YUUR YÏNGA

- A Mise Yakuba **ZËERBO**, sën ya bãn� pvgē tontumd-kãsenga, t'a na n deeg a Mise Mogtaar Dedugu DIYAKITE n tume.

**C. MINISTÆER NING SËN GET-A YÏN-WISGRE, KOM-BUBA, LA
TUUM LUGLG YELL ZÏIGË**

Tigsgã rãmb gãnega **noy a naase (4)**.

Pipi noorã pvgē, b yãka a Mise Kiswēndsida Arsend Ëstanislaas **WEDRAOOGO, matrikill 23 24 501 L**, sën ya laog kēgsg tuum-mita, n kō-a tōog t'a reeg a Mise Lasina PAARE zïig n tum yïn-wisgr la yō-noogr yidgr tuum

ligd tuum-noor b sēn boond ti Efenpeyesell (FNPSL) kōnsey dadminisrasō wā tuum pugē, a tutumdbā yuur yīnga, n dik yuum a tāab (3) ti yī b pipi tuum wakato.

No-rikgd a yiib soabā yāka neb nins yuy sēn pugd-b tōogo, ti b na n dik yuum a tāab (3) ti yī pipi tuum wakat sēn yalse, n deeg leta zīg n lebg tuum-kibindb n tum ko-m-meng rāmb lagem-n-taar sull sēn boond ti Zeyipe-Peyenvebe (GIP-PNVB) kōnsey dadminisrasō tuum pugē.

Ministær ning sēn get-a fōngsō-pibliki, tuntumba, la tēn-tōrā nin-buiid vum-n-taar koglg yell zīgē :

- A Mise Sidi **BAARI, matrikill 217 027 N**, sēn ya tuntumdb zāab tuum sagenda.

Ministær ning sēn get-a Karen-bi-bāoones kaorengo, buud goam zāmsgo, la b piuugr yell zīgē :

- A Mise Soma Alasand **WATARA, Matrikill 247 172 C**, sēn ya tuntumdb zāab tuum sagenda.

No-rikgd a tāab soabā lebsda a Mise Adelf **SANU, matrikill 130 544 E**, sēn ya bu-kaooda, mazisra a tuum zīgē, t'a na tum leta yuur yīnga, ko-m-meng rāmb lagem-n-taar sull sēn boond ti Zeyipe-Peyenvebe (GIP-PNVB) kōnsey dadminisrasō tuum pugē, a yaolem tuum yuum a tāab (3) teka.

No-rukdg a naas soabã kôta a Mise Abdulay WEDRAOOGO, matrikill 024 CFPR-Z, sên ya karen-saamb t'a reeg Suudu Bawdè (BSB) tontombd zîiga, n tum a kônsey daminisrasõ wã tum pugê, n dik yuum a taab ti yi a pipi na-yakemd tumã pugê.

Goofneer no-rêesa



www.sig.
gov.bf

Le Porte-parole du Gouvernement,



Rimtalba Jean Emmanuel OUEDRAOGO
Officier de l'Ordre de l'Étalon

A Rĩmtallba Zã Emanwell WEDRAOOGO
B paama woor kũun sên ti yud a taab b tum yĩnga

Svn 24 svn 24 zugu